

7 sækir um 2000 kr. styrk úr landssjóði til kirkjubyggingarinnar, með þeim kjörum, 12. jan. er næsta alþingi ákveði, og hafa stiptsyfirvöldin mælt með beiðni þessari.

Út af þessu læt jeg ekki hjá líða hjer með þjónustusamlega að tjá hinum heiðr-  
uðu stiptsyfirvöldum til þóknanlegrar leiðbeiningar og frekari birtingar, að jeg vil veita  
Holtsprestakalli undir Eyjafjöllum 2000 kr. lán úr landssjóði til kirkjubyggingar með  
þeim kjörum, sem alþingi 1889 ákveður, og verður upphæð lánsins eða nokkur hluti  
hennar, eptir þörfum, ávísuð prestinum, þegar hann fer þess á leit; en að því, er snertir  
flutning kirkjunnar frá Holti að Ásólfsskála, hefur málið enn eigi fengið þann undir-  
búning, að slíkur flutningur geti orðið leyfður, og verður kirkjuflutningsleyfið  
eigi veitt, nema málið sje á ný borið upp á hjeradsfundi, samkvæmt 12. gr. laga nr. 5  
frá 27. febr. 1880 og meiri hluti allra hjeradsnefndarmanna samþykki á fundinum kirkju-  
flutninginn, og biskup síðan leggi með honum.

8  
24. jan.

Brjef landshöfðingja til biskupsins yfir Íslandi um ólögumæta prestskosningu

Með þóknanlegu brjefi, dagsettu 17. p. m., hafið þjer, háæruverðugi herra biskup  
sent mjer skýrslu um prestskosningu þá, sem fram hefur farið í Kirkjubæjarprestakalli  
í Hróarstungu 31. október p. á., og ber skýrsla þessi með sjer, að af 78 kjósendum  
sem voru á kjörskrá, hafa 51 greitt atkvæði, og hafa þau fallið þannig, að sjera Hall-  
dór Bjarnarson á Presthólum hefur fengið 26 atkvæði, kandiðat Eggert Pálsson 22 at-  
kvæði og sjera Einar Jónsson á Miklabæ í Blönduhlíð 3 atkvæði. Með umgetinni  
skýrslu fylgdu auk ýmsra annara fylgiskjala 2 kærur yfir kosningunni, sumpart út af  
því, að menn hafi staðið á kjörskrá, og kosið, sem ekki höfðu talið fram neitt tíund-  
bært fje á vorhreppaskilapingi næsta á undan kosningunni og því ekki galdið til prests  
og kirkju, sumpart út af því, að mönnum hafi verið bætt inn á kjörskrá eptir að hún  
hafði legið frammi.

Að því, er snertir hið fyrra kærutridið, þá hefur kjörstjórnin í álitsskjali sínu  
um kærurnar kannast við, að einn nafngreindur kjósandi og „nokkrir fleiri“ hafi ekki  
talið fram til tíundar á hreppaskilapingi í vor er leið, en hafi gjört það eða þeim verið  
gjörð tíund á hreppaskilapinginu í haust, en þar við athugast, að skilyrðið fyrir kos-  
ingarrjetti til prests, er ekki það að tíunda, heldur að gjalda til prests og kirkju, og þó  
maður telji fram eða honum sje gjörð tíund á hausthreppaskilapingi fáum dögum fyrir  
kosningu, þá er það engin sönnun fyrir, að hann gjaldi til prests og kirkju það ár, er  
kosningin fer fram. Kjörstjórnin hefur einnig kannast við í álitsskjali sínu, að mönnum  
hafi verið bætt inn á kjörskrá, eptir að hún hafði verið lögð fram, og vill rjettlæta það  
með fyrirmælum 5. greinar í lögum 8. janúar 1886 um hluttöku safnaða í veitingu  
brauða, en eptir fyrirmælum þessarar greinar má ekki bæta neinum manni inn á kjör-  
skrá eptir að hún hefur verið lögð fram, nema hann kæri yfir, að sjer hafi verið sleppt  
og kjörstjórnin síðan leggi úrskurð á kærana, en í kosningargjörðunum segir, að engar  
mótbárur hafi komið fram gegn hinni framlögðu kjörskrá, og var því engin heimild til  
að bæta neinum manni inn á kjörskrána, eptir að hún hafði verið lögð fram.

Það er þannig upplýst, að bæði hafa menn staðið á kjörskrá og tekið þátt í kos-  
ningunni, sem ekki gjalda til prests og kirkju, og að mönnum hefur heimildarlaust verið bætt  
inn á kjörskrá, eptir að hún var lögð fram, og þegar þar við bætist, að allmargir vinnu-  
menn hafa staðið á kjörskránni og greitt atkvæði á kjörfundinum, þrátt fyrir það þótt

eingöngu búsettir menn í prestakallinu hafi kosningarrjett eptir áðurnefndum lögum 8. 8 janúar 1886, 3. grein, þá eru þeir gallar á kosningunni, sem eptir atvikum hljóta að 24. jan. hafa haft svo veruleg áhrif á úrslit hennar, að hún getur ekki álitizt lögmæt eptir 9. gr. sömu laga.

Þegar þá kemur til greina, hvert tillit rjett sje að taka til þeirra óska, sem fram hafa komið af hálfu safnaðarins, þá hafa 20 kjósendur, sem ekki höfðu komið á kjörfund, sent hlutaðeigandi prófasti yfirlýsingu um óánægju sína yfir úrslitum kosningarinnar, sjerstaklega yfir því, hve fá atkvæði sjera Einari Jónssyni hlotnuðust á kjörfundinum, og hefur prófasturinn látið uppi það álit sitt, að vilji meiri og sjálfstæðari hluta kjósendanna hafi ekki komið fram í kosningarúrslitunum. Samkvæmt þessu, og með því að jeg verð að vera yður samdóma, háæruverðugi herra, um að sjera Einar Jónsson sje hinn hæfasti af umsækjendunum, þá hefi jeg samkvæmt tillögum yðar skipað hann til prests að Kirkjubæ í Hróarstungu og sendi yður hjer með til frekari þóknanlegrar ráðstöfunar veitingarbrjef það, sem jeg hefi gefið út fyrir brauðinu.

### Ágrip

9

af sýslusjóðsreikningum í Vesturamtinu 1886.

#### I. *Mýrasýsla.*

##### Tekjur.

|                                                       |                   |
|-------------------------------------------------------|-------------------|
| 1. Eptirstöðvar frá f. á. . . . .                     | 1057,76           |
| 2. Niðurjöfnunargjald . . . . .                       | 155,00            |
| 3. Vegagjald . . . . .                                | 544,32            |
| 4. Tillag úr landssjóði til eflingar búnaði . . . . . | 350,00            |
| 5. Afborgun af skuld 2 hreppa . . . . .               | 650,00            |
| 6. Skuld fyrir unnar vegabætur o. s. frv. . . . .     | 439,03            |
|                                                       | <hr/> Kr. 3196,11 |

##### Gjöld.

|                                                             |                   |
|-------------------------------------------------------------|-------------------|
| 1. Sýslugjöld (par í til eflingar búnaði 350 kr.) . . . . . | 1361,50           |
| 2. Vegabótakosnaður . . . . .                               | 895,30            |
| 3. Eptirstöðvar :                                           |                   |
| a, niðurjöfnunargjaldi o. s. frv. . . . .                   | 418,47            |
| b, vegagjaldi . . . . .                                     | 520,84            |
|                                                             | <hr/> 939,31      |
|                                                             | <hr/> Kr. 3196,11 |

#### II. *Snæfellsness- og Hnappadalssýsla.*

##### Tekjur.

|                                          |                   |
|------------------------------------------|-------------------|
| 1. Eptirstöðvar frá f. á. . . . .        | 232,75            |
| 2. Niðurjöfnunargjald . . . . .          | 1088,00           |
| 3. Vegagjald . . . . .                   | 730,37            |
| 4. Skuld fyrir unnar vegabætur . . . . . | 170,48            |
|                                          | <hr/> Kr. 2221,60 |